

## **Agape Mbeti ti Nzapa - God's Love Letter Scriptures**

**Jean 15:9 Legueoko tonga na Baba A ndoye Mbi, Mbi ndoye i. I douti na ya ndoye ti Mbi.**

**Esaïe 43:1 Mais fade so L'Eternel so A créé mo, O Jacob, na Lo so A salamo, O Israël, Lo tene tonga so: Djia mbito, teti Mbi ton' mo aoue; Mbi di iri ti mo aoue, mo yeke ti Mbi.**

**Jérémie 1:5 Kodjoni si Mbi leke mo na ya ti mama ti mo, Mbi hinga mo; na kodjoni si a dou mo, Mbi bata mo nde teti Mbi; Mbi diko mo ti ga prophète ti amara.**

**Jean 15:16 A yeke i si i iri Mbi pepe, mais Mbi si Mbi iri i. Na Mbi iri i si i goue i le', na si le'ngo ti i a ngba, si ye so i hounda na ti ti Baba na iri ti Mbi, fade Lo mou ye so na i.**

**3 Jean 1:2 Mo so mbi ndoye mo mingui, mbi ye ye ti mo koue a ga ndjoni, na ya ye koue. Na mbi ye tele ti mo a douti ndjoni, legueoko tonga na âme ti mo a douti ndjoni.**

**Esaïe 43:4 Teti mo yeke ye ti nguele ngangou na le ti Mbi, ye ti yango-iri, na Mbi ndoye mo; tonga so fade Mbi mou ajo na place ti mo, na amara na place ti fini ti mo.**

**Jérémie 31:3 Guiriri L'Eternel A si na mbi, Lo tene, Mbi ndoye mo na ndoye ti la koue la koue, tonga so Mbi ngba ti sala na mo na ndjobe.**

**Osée 11:8 L'Eternel A tene, O Ephraïm, Mbi lingbi djia mo? O Israël, Mbi lingbi bi mo na guigui? Mbi lingbi sala si mo ga tonga na Adma? Mbi lingbi sala si mo ga tonga na Tseboïm? Be ti Mbi a ke ye so, be-ndjoni ti Mbi a djingo aoue.**

**Jean 3:16 Teti Nzapa A ndoye sesse so mingui, Lo mou Melengue ti Lo Nguenguele Oko, si jo so a ma na be na Lo a lingbi koui pepe, mais lo yeke na fini ti la koue la koue.**

**Esaïe 49:15,16 Ouali a lingbi glissa melengue ti lo so a gno mé ti lo? si lo sala be-ndjoni pepe na melengue ti ya ti lo. Oui, ala lingbi glissa, mais fade Mbi glissa mo la oko pepe. 16 Ba, Mbi kpo iri ti Sion na ndimbo na yambati ti Mbi; gbagba ti bira ti mo a yeke na gbele Mbi la koue.**

**Esaïe 41:13 Teti Mbi, L'Eternel Nzapa ti mo, Mbi gbo maboko ti mo ti koti. Mbi tene na mo, Djia mbito; fade Mbi sala na mo.**

**Matthieu 28:20 I fa na ala ti bata aye koue so Mbi commandé i. Na ba, Mbi yeke na i la koue, juska na nda ti ngoy so. *Traduit pour l'Ecole Biblique Baptiste de Sibut***

**Jean 14:1 I djia be ti i a gui i pepe. I ma na be na Nzapa, i ma na bena Mbi nga.**

**Esaïe 41:14 Djia mbito, Jacob, mo so mo yeke ngouzou, na i ajo ti Israël; L'Eternel A tene, Fade Mbi sala na mo, na fade Jo Ti Ton' mo a yeke Lo Ti Ndjoni-koue ti Israël.**

**Esaïe 43:2 Tonga na mo ho na ya ngou, fade Mbi yeke na mo; tonga na mo ho na ya ngou so a soua, fade ngou ni a mou mo pepe; tonga na mo tambela na ya oua, fade oua ni a zo mo pepe, na menga-oua ni a gbi mo pepe.**

**Psaume 23:1-6 <Psaume ti David.> L'Eternel A yeke Berger ti mbi; ye a lingbi manqué mbi pepe. 2 Lo sala si mbi ouo tele na begnama so fini pele a yeke da; Lo fa legue na mbi na tele ti ngou so a soua na ngangou pepe. 3 Lo kiri ngangou na âme ti mbi; Lo fa na mbi legue ti mbilimbili teti iri ti Lo. 4 Biani, même tonga na mbi ho na popo-hoto ti bingo ti koui, Mbito ti sioye a sala mbi pepe, teti Mo yeke na mbi; Keke na bâton ti Mo a lounguela voundou ti mbi. 5 Mo leke table na gbele mbi na le ti aouato ti mbi; Mo sa mafouta na li ti mbi; Kopo ti mbi a sî, a sa. 6 Biani, fade ndjoye na ndjobe a goue na peko ti mbi na la tifini ti mbi koue; Na fade mbi douti na da ti L'Eternel la koue la koue.**

**Jean 14:27 Mbi djia siriri na i. Mbi mou siriri ti Mbi na i. Mbi mou siriri na i pepe na legue so sesse so a mou siriri na jo. I djia be ti i a gui i pepe, na i djia mbito a sala i pepe.**

**Philippes 4:7 Na fade siriri ti Nzapa so a ho bibe koue a bata be ti i na a bata bibe ti i na ya Christ Jésus.**

**Aproverbe 3:24 Tonga na mo lango, fade mbito a sala mo pepe. Biani, tonga na mo se ti lango, fade lango ti mo a nzere namo.**

**Psaume 4:9 Mbi se, na mbi lango na siriri; Teti gui Mo oko, O L'Eternel, Mo sala si mbi douti na siriri.**

**Psaume 33:18 Ba, le ti L'Eternel a yeke na ndo ajo so a kpe mbito ti Lo, Na ndo ala so a kou ndjobe ti Lo,**

**Aromain 5:2 Na legue ti Lo, na legue ti mabe, ani si na ndo ti be-ndjoni so ani yeke douti da. Be ti ani a yeke kou na nguia ti ba gloire ti Nzapa.**

**Esaïe 55:12 Teti fade i si guigui na nguia, na a fa legue na i na siriri; fade ahoto na akete hoto a sala bia na gbele i; na fade keke ti begnama koue a pika maboko ti ala.**

**Jean 16:22 Tonga so i nga i yeke na voundou fade so. Mais fade Mbi kiri Mbi ba i, na fade be ti i a yeke na tâ nguia. Na jo oko a lingbi lounguela tâ nguia so pepe.**

**Luc 12:9 Mais jo so a ke Mbi na gbele ajo, fade A ke lo na gbele a-ange ti Nzapa.**

**Matthieu 10:30 A diko kouali ti i koue nga.**

**Esaïe 54:10 Kamême ahoto a ho, na a lounguela akete hoto, fade ndjobe ti**

**Mbi a djia mo pepe, na fade a lounguela mbele ti siriri ti Mbi pepe.**

**Matthieu 11:28 I ga na Mbi, i koue so i sala koussala ti ngangou na i yeke na koungba so a ne, na fade Mbi mou na i legue ti ouo tele.**

**Bia ti Salomon 2:10 Lo so mbi ndoye lo mingui a sala tene, lo tene na mbi, Mo loundou, mo so mbi ndoye mo mingui, mo so mo yeke pendere, mo ga.**

**Osée 2:16 Tonga so, mo ba, fade Mbi handa lo si Mbi ga na lo na yando, na Mbi sala tene-ndjoni na lo.**

**Osée 2:21,22 Na fade Mbi kamata mo ti ga ouali ti Mbi teti la koue. Biani, Mbi hounda ti kamata mo na legue ti mbilimbili na ti fa'ngo-mbanga ti mbilimbili, na legue ti ndjobe na ti be-ndjoni. 22 Fade Mbi hounda ti kamata mo na legue ti be-biani, na fade mo hinga L'Eternel.**

**Exodus 3:14 Nzapa A tene na Moïse, MBI YEKE SO MBI YEKE; na Lo tene, Fade mo tene tonga so na amelengue ti Israël, MBI YEKE A to mbi na i.**

**Osée 13:4 Mbi yeke L'Eternel Nzapa ti mo, a commencé na la ni so mo yeke na sesse ti Egypte juska la so; a lingbi mo hinga mbeni nzapa pepe, gui Mbi oko, mbeni Sauveur a yeke oko pepe.**

**Jean 15:14 I yeke andeko ti Mbi tonga na i sala ye so Mbi commandé i ti sala.**

**Revelation 3:20 Ba, Mbi louti na yanga ti da, Mbi golo. Tonga na mbeni jo a ma yanga ti Mbi na a lounguela yanga ti da ni, fade Mbi li na ya ni, Mbi te kobe na lo na lo te kobe na Mbi.**

**Pastor T. John Franklin  
Church of Salvation, Healing, and Deliverance  
COS-HAD.org**